



ATASSUT

UKA 2015/104

Siverth K. Heilmann

18. 11. 2015.

Ujaqqat erlinnartut pinneraasiassat Nunatsinni piiarneqarsimasut Nunatsinni sileqqaarlugit nunatta avataanut anninneqartarnissaannik piunasaqaateqalernissaq pillugu aallaavigalugu oqallittoqarnissaanik siunnersunnersuut.

(Inatsisartunut ilaasortaq Peter Olsen, Inuit Ataqatigiit)

Inatsisartuni ilaasortaq Peter Olsen, Inuit Ataqatigiit qutsavigissavarput apequteqaat aallaavigalugu oqallississia pillugu, imatullu naatsumik ATASSUT-miit oqaaseqarfigissavarput.

Qularutissaanngilaq aatsitassarsiorneq kulturitsinni pingaarutilittut inissisimanikuunnginneranik siunnersuuteqartumiik oqarneq utoqqaanerustatsinnik assigiinngitsumik nalilersorneqarsinnaavoq, tassami ujaqqanik, ukkusissanik allarpassuarnillu, kusanartuliorneq eqqumiitsuliornerlu atorlugit aallutaqarneq ukiorpas-suarni annertuutut oqaatigineqarsinnaammat.

ATASSUT-miit aatsitassanik inatsit suliarineqarnerani piviviusunngortinneqarneranilu akuulluarsimaqaagut aammalu oqaatigisaannarlutigu naleqqussaanaissaq avaqqunneqarsinnaanngitsoq. Pisuussutitsinnik uumaatsunik ujarlerneq paaasannaanerlu aningaasarpasuit atorneqartarmata, nunatta avataaniik suleqateqarnissaq aningaasaliisannaanerlu pilerinartunngortinnissaa avaqqunneqarsinnaannginnera eqqaasitsissutiguarparput. Taamaattorli aamma anguniarneqartuartaqartoq aatsitassarsiortoqassatillugu nunaqavissunik sulisoqarnissaq ilisimasat pigineqarnissaat siunissamilu nunaqavissut pisuussutitsinnik tamakkiisumik politikkikkut aq-qutissiuunneqarnissaq avaqqunneqarsinnaanngilluinnartoq.

ATASSUT-miit partiinut allanut eqqaasissutigeqqissavarput, ersarilluinnartumik pingaartumillu rubiinit eqqartorneqartartillugit paaaneq tunisassiornerlu tamakkiisooq nunaqavissunut soqutiginnittunut aqutissiuussinerput politikkikkut tapersorneqarnerusariaqartoq, tassami ilisimaneqareermat misilittagaqarfigineqareerlunilu silisarneq tunisassiornerlu annertusiartortumik inerisarneqartuarneqarsinnaasoq. ATASSUT-ip upperilluinnarpaa nunani allani misilittagalinnik suleqateqarnikkut, suliffeqarfilli tunisassiornerlu nunatsinni aallaaveqartoq inerisartuartaqaripput, tamattami nalunngilarput soqutiginninneq assut annertusiartuinnartoq.

ATASSUT-miit nuannaarutigiuannarparput teknikkikkut atortorissaarutit iluaqutigalugit aatsitassanik pinneraasiarineqarsinnaasunillu nunarujussuatsinnik nassaartoqartarnera, kiisalu ujarassiorit atorlugu innuttaasunut periarfissiisoqartarnera. Aap peqarfinnik nalituunillu ujarassiorit aqutigalugu nassaartoqartarnera nalunaarutigineqartarpoq akissarsissutigineqartarlunilu, tamanna imminek ajunngilluinnarpoq. Ajugaassutaasut aatsitassarsiorfissuusinnaapput misissueqqinnissamik paaasannaanermillu kinguneqartumik iluaquserneqartartut, nassaarnikuusullu sunnguamilluunniit nunaminertamik atueqqinnissaa iluaquteqarniarsinnaaneraluunniit mattunneqartarput. Taamatut pisoqartarnera pissusissamisuginnartutut akuersaassavarpuut? ATASSUT-miit isumaqarpugut, isertuussisalertoqassanngippat tamanna oqalinnermi aamma nalilersorneqartariaqartoq.



Siunnersuuteqartoq Naalackersuisullu ATASSUT-miit isumaqatigilluinnarpagut, pisuussutitsinnik naleqarnerulersitsinissaq aqutissiuussinissarpullu siunertaajuartariaqartoq. Suliffissarpassuit aningaasarsiorfissallu imaaniiginnangillat nunamili pisuussuteqarluarnitsinnik oqaluttarfik manna atorlugu oqariartuuteqartuarnerput tikkuartuiuarnerpullu uninnaviangilaq.

Sumiluunniit inuussutissarsiutinik aallartitsinerit annikitsumik aallartinnerit annertoorsuannorsinnaasarpur, tamakkuli pilersarusiorluarnikkut siunnersorluarneqarnikkut politikikkullu aqutissiuussinitsigut iluatsitsinnaaneri eqqummariffigigaanni piumassuseq ilanngullugu angusassaq pitsaasoq orninneqarsinnaavoq.

Taakkuupput ATASSUT-miit oqaatigiumasagut apeqquteqaammillu oqallisissiaqartumut qujaqqippugut.